

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 25 MAC 2015, PUKUL 10.00 PAGI

Bil. 11

PERTANYAAN-PERTANYAAN BAGI JAWAB LISAN

1. PR-1331-L67448
Dato' Ahmad Fauzi bin Zahari [Setiawangsa] minta **MENTERI TENAGA, TEKNOLOGI HIJAU DAN AIR** menyatakan adakah Kementerian bercadang untuk menurunkan tarif elektrik memandangkan harga bahan bakar telah turun mendadak di pasaran.
2. PR-1331-L66566
Dr. Ong Kian Ming [Serdang] minta **PERDANA MENTERI** menyatakan di bawah Program Transformasi Perkhidmatan Bus Berhenti-henti (SBST), berapakah anggaran nilai kontrak perkhidmatan bas untuk setiap satu "network" masing-masing di lima kawasan "pilot project" dan sama ada SPAD akan melantik "network operator" secara rundingan terus ataupun tender terbuka.
3. PR-1331-L65503
Dato' Haji Mohd Zaim bin Abu Hasan [Parit] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah mekanisme yang digunakan bagi menurunkan harga barang yang didapati tidak diturunkan walaupun Kerajaan telah menurunkan harga minyak dengan begitu ketara sekali.
4. PR-1331-L65855
Dato' Mansor bin Othman [Nibong Tebal] minta **MENTERI PERTANIAN DAN INDUSTRI ASAS TANI** menyatakan kaedah pemantauan (*monitoring*) pelaksanaan sistem penyaluran modal dan sistem kutipan bayaran balik pinjaman program TEKUN Nasional bagi mengelak berlakunya penyelewengan dan salah laku yang mungkin dilakukan oleh kakitangan TEKUN Nasional.
5. PR-1331-L66641
Dato' Seri Reezal Merican bin Naina Merican [Kepala Batas] minta **MENTERI BELIA DAN SUKAN** menyatakan status pelaksanaan *National Football Development Plan(NFDP)* dan apakah KPI yang disusun untuk pelaksanaannya dalam tempoh 5-10 tahun akan datang.

6. PR-1331-L67228
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan langkah-langkah yang telah diambil untuk meningkatkan penyertaan pelajar sekolah menengah agama rakyat, sekolah Kerajaan dan sekolah bantuan Kerajaan untuk mengambil Sijil Tinggi Agama Malaysia
7. PR-1331-L65409
Tuan Haji Mohd Fasiah bin Haji Mohd Fakeh [Sabak Bernam] minta **PERDANA MENTERI** menyatakan projek-projek perumahan yang sedang dan akan dibina Perbadanan PR1MA Malaysia (PR1MA), bilangan unit dan harga yang ditawarkan serta sejauh manakah projek PR1MA ini mampu membantu orang ramai berpendapatan antara RM2,500 hingga RM10,000 mampu bagi memiliki rumah PR1MA.
8. PR-1331-L66109
Dr. Lee Boon Chye [Gopeng] minta **MENTERI DALAM NEGERI** menyatakan usaha Kerajaan untuk mengawal dan membanteras ancaman kumpulan pengganas IS.
9. PR-1331-L66827
Datuk Koh Nai Kwong [Alor Gajah] minta **MENTERI SAINS, TEKNOLOGI DAN INOVASI** menyatakan penjelasan terperinci tentang penggubalan kerangka kerja peraturan atau akta baru bagi mengawal selia penggunaan tenaga nuklear.
10. PR-1331-L66214
Tuan Charles Anthony Santiago [Klang] minta **PERDANA MENTERI** menyatakan adakah benar bahawa Malaysia *Nuclear Power Corporation (MNPC)* sudah mengenal pasti beberapa lokasi loji kuasa tenaga nuklear yang akan dibina di Malaysia. Mengapakah projek yang begitu penting sekali diberikan kepada syarikat swasta.
11. PR-1331-L66550
Puan Rubiah binti Haji Wang [Kota Samarahan] minta **MENTERI PENDIDIKAN** menyatakan status keberadaan dan kesesuaian prasarana pengajaran dan pembelajaran sekolah-sekolah kebangsaan di Kota Samarahan.
12. PR-1331-L66403
Dato' Johari bin Abdul [Sungai Petani] minta **MENTERI DALAM NEGERI** menyatakan:-
 - (a) komponen-komponen perbelanjaan secara terperinci sehingga caj RM38 dikenakan bagi setiap pembaharuan permit pekerja asing secara atas talian melalui MyEG dikenakan; dan
 - (b) apakah Kerajaan telah mengambil tindakan secukupnya bagi memastikan semua maklumat sensitif dan rahsia Kerajaan tidak disalahgunakan oleh syarikat atau mana-mana pihak yang tidak bertanggung jawab.

13. PR-1331-L65566
Datuk Sapawi bin Ahmad Wasali [Sipitang] minta **MENTERI PENDIDIKAN** menyatakan jumlah keseluruhan kerugian dialami akibat kerosakan sekolah dan kemudahan pembelajaran lain di seluruh negara akibat banjir luar jangkaan di Semenanjung, Sabah dan Sarawak pada bulan Disember/Januari lalu.
14. PR-1331-L66226
Puan Teresa Kok Suh Sim [Seputeh] minta **MENTERI WILAYAH PERSEKUTUAN** menyatakan secara terperinci tentang kos pembinaan dan kebaikan untuk membina ibu pejabat DBKL yang baru pada waktu kegawatan ekonomi sekarang. Nyatakan kegunaan bangunan DBKL yang sedia ada dan syarikat yang telah dilantik untuk menjalankan kerja-kerja pembinaan.
15. PR-1331-L67374
Datuk Mas Ermieyati binti Samsudin [Masjid Tanah] minta **MENTERI KESIHATAN** menyatakan adakah penjenayah yang telah disabitkan kesalahan jenayah kekerasan dan didapati mempunyai masalah mental menerima rawatan pemulihan yang sepatutnya dan berapa ramai daripada mereka yang telah berjaya dipulihkan setakat ini.
16. PR-1331-L66379
Tuan Sim Chee Keong [Bukit Mertajam] minta **MENTERI KESIHATAN** menyatakan jumlah perbelanjaan kempen denggi mengikut pecahan aktiviti, termasuk "*fogging*" dan juga kekerapan aktiviti dilaksanakan dari 2008 - 2014. Sila nyatakan ikut pecahan negeri.
17. PR-1331-L66506
Tuan Anuar bin Abd. Manap [Sekijang] minta **MENTERI LUAR NEGERI** menyatakan:-
- (a) menurut Persatuan Sejarah Johor, bahawa masih terdapat bukti-bukti yang ada di Istana Johor yang boleh dikemukakan untuk membawa semula isu Pulau Batu Puteh di Mahkamah Antarabangsa (ICJ). Sejauh mana kesungguhan Kerajaan dalam isu Pulau Batu Puteh; dan
 - (b) apakah perkembangan terkini Kerajaan dalam mencari bukti untuk mengkaji semula keputusan ICJ ke atas keputusan Pulau Batu Puteh menjelang 2018.
18. PR-1331-L65930
Tuan Tan Kok Wai [Cheras] minta **MENTERI WILAYAH PERSEKUTUAN** menyatakan sebab musabab kelewatan untukewartakan Pelan Bandar Raya Kuala Lumpur (KL Local Plan).
19. PR-1331-L67122
Tan Sri Dato' Sri Dr. Jamaluddin bin Mohd Jarjis [Rompin] minta **MENTERI KESIHATAN** menyatakan:-
- (a) apakah usaha-usaha pihak Kementerian bagi menyalurkan perkhidmatan kesihatan yang berkesan di bandar dan di luar bandar; dan

- (b) kedudukan terkini siap siagaan Hospital Daerah Rompin yang mula dibuka kepada orang ramai sejak bulan Mac 2014, daripada maklum balas yang diterima masih banyak lagi aset-aset kelengkapan hospital yang masih belum diterima lagi di samping kakitangan yang masih tidak mencukupi.
20. PR-1331-L66111
Dr. Lee Boon Chye [Gopeng] minta **MENTERI KESIHATAN** menyatakan usaha-usaha yang diambil untuk mengawal wabak demam denggi.
21. PR-1331-L67419
Dato' Sri Azalina binti Dato' Othman Said [Pengerang] minta **MENTERI DALAM NEGERI** menyatakan adakah bekas Ketua Pembangkang mendapat keistimewaan berbanding banduan lain di dalam penjara kerana kesemua yang dilibatkan kesalahan dan ditahan di penjara adalah berpandukan kepada Peraturan Penjara 2000, *part 4-Categorisation of Prisoners, Regulation 34-Categories of Prisoners*.
22. PR-1331-L66664
Tuan Loke Siew Fook [Seremban] minta **MENTERI DALAM NEGERI** menyatakan sebab mengapa Kerajaan tidak memansuhkan syarat permohonan visa untuk warganegara China untuk melawat Malaysia sebagai pemangkin untuk menarik lebih ramai pelancong dari Republik Rakyat China.
23. PR-1331-L66208
Datuk Zahidi bin Zainul Abidin [Padang Besar] minta **MENTERI SUMBER ASLI DAN ALAM SEKITAR** menyatakan langkah-langkah meningkatkan pemahaman dan rasa tanggungjawab rakyat umum dalam menghargai dan mengurus alam sekitar lestari.
24. PR-1331-L67254
Tuan Julian Tan Kok Ping [Stampin] minta **MENTERI DALAM NEGERI** menyatakan jumlah pegawai polis yang dikenakan amaran mahupun tindakan kerana terlibat dalam kes rasuah ataupun penyalahgunaan kuasa di Sarawak.
25. PR-1331-L65886
Dato' Haji Irmohizam bin Haji Ibrahim [Kuala Selangor] minta **PERDANA MENTERI** menyatakan:-
- (a) adakah Prosedur Operasi Standard (SOP) pengurusan bencana negara akan diteliti dan dikaji semula untuk memudahkan persiapan menghadapi bencana yang lebih efektif serta mempunyai sistem ramalan cuaca yang lebih efisien pada masa hadapan; dan
- (b) apakah kaedah pemantauan agihan bantuan banjir agar benar-benar sampai kepada mangsa-mangsa banjir.
26. PR-1331-L66616
Tuan Ramkarpal Singh a/l Karpal Singh [Bukit Gelugor] minta **PERDANA MENTERI** menyatakan mengapa Mahkamah Persekutuan yang terdiri daripada lima belas hakim tidak mempunyai mana-mana wakil daripada hakim berketurunan India.

27. PR-1331-L65628
Dato' Haji Zainudin bin Ismail [Jelebu] minta **PERDANA MENTERI** menyatakan apakah benar dakwaan bahawa kelemahan urusan Majlis Keselamatan Negara (MKN) sehingga gagal berfungsi dengan licin dan sempurna seperti yang dirancang dan disusun bagi menangani bencana banjir yang berlaku baru-baru ini. Apakah langkah susulan untuk mengatasi masalah tersebut.
28. PR-1331-L67327
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI PERUSAHAAN PERLADANGAN DAN KOMODITI** menyatakan adakah Kementerian akan menaikkan paras harga SMR 20 FOB yang kini berada pada RM4.60 sekilogram bagi mengaktifkan Insentif Pengeluaran Getah (IPG) untuk membantu pekebun kecil dan penoreh getah berikutan kejatuhan harga komoditi itu dan pada masa yang sama menanggung beban kos sara hidup yang semakin tinggi.
29. PR-1331-L66004
Datuk Nur Jazlan bin Mohamed [Pulau] minta **MENTERI PENDIDIKAN** menyatakan sama ada Kementerian bercadang untuk menyeragamkan sukatan pelajaran sistem pendidikan pra sekolah dalam memastikan tahap pendidikan sama dimiliki semua murid sebelum memasuki Sekolah Kebangsaan.
30. PR-1331-L66429
Raja Dato' Kamarul Bahrin Shah [Kuala Terengganu] minta **MENTERI KEWANGAN** menyatakan mengapakah pihak 1MDB terpaksa meminjam RM2 bilion dari pihak individu tertentu swasta walaupun Timbalan Menteri Kewangan menyatakan pada sesi Parlimen 2014 pelaburan di Cayman Island hanya untuk jangka masa pendek sebelum ianya dibawa pulang ke Malaysia.
31. PR-1331-L67060
Datuk Haji Datu Nasrun bin Datu Mansur [Silam] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilakah pelaksanaan projek Perumahan *My Home* dan Projek Perumahan Rakyat PPR akan dilaksanakan di kawasan Lahad Datu.
32. PR-1331-L66948
Tuan Er Teck Hwa [Bakri] minta **MENTERI DALAM NEGERI** menyatakan secara terperinci jumlah barang bukti yang hilang daripada stor bukti di Balai Polis mengikut jenis barang, kes dan daerah dari tahun 2009 hingga 2014.
33. PR-1331-L65763
Datuk Bung Moktar bin Radin [Kinabatangan] minta **MENTERI PENGANGKUTAN** menyatakan tentang pertimbangan untuk memberi kelonggaran dalam pemeriksaan badan di pintu-pintu masuk balai pelepasan yang dibuat oleh pihak polis bantuan airport. Ini berikutan kini terdapat banyak peralatan canggih ekoran kemajuan teknologi yang sememangnya mampu untuk mengesan barang-barang larangan yang dibawa oleh penumpang berbanding pemeriksaan manual yang sedang dipraktikkan yang ternyata kurang menyenangkan.

34. PR-1331-L66787
Tuan Nik Mohamad Abduh bin Nik Abdul Aziz [Pasir Mas] minta **MENTERI KOMUNIKASI DAN MULTIMEDIA** menyatakan langkah bagi melindungi di samping memberi kesedaran terhadap simpanan data peribadi.
35. PR-1331-L65376
Dato' Wira Othman bin Abdul [Pendang] minta **MENTERI PERUSAHAAN PERLADANGAN DAN KOMODITI** menyatakan:-
- (a) apakah hasil rundingan terakhir antara Malaysia, Indonesia dan Thailand mengenai kedudukan harga getah yang kekal rendah; dan
 - (b) bilakah kedudukan harga getah di Malaysia dijangka akan naik.
36. PR-1331-L66123
Tuan Wong Chen [Kelana Jaya] minta **MENTERI KEWANGAN** menyatakan lima (5) aktiviti utama yang dianggap oleh Kerajaan sebagai aktiviti sabotaj ekonomi.
37. PR-1331-L66770
Datuk Juslie bin Ajirol [Libaran] minta **PERDANA MENTERI** menyatakan peranan dan sumbangan PETRONAS bagi jangka sederhana dan panjang berikutan berlakunya kemerosotan harga minyak global yang semakin merudum pada masa ini.
38. PR-1331-L66172
Dato' Wira Mohd Johari bin Baharom [Kubang Pasu] minta **MENTERI KEMAJUAN LUAR BANDAR DAN WILAYAH** menyatakan adakah Kementerian mempunyai sebarang cadangan dan tindakan bagi meningkatkan aktiviti perniagaan di Pusat Transformasi Luar Bandar (RTC) Napoh, Bukit Kayu Hitam. Nyatakan statistik kehadiran pengunjung dan pendapatan para peniaga di kawasan tersebut.
39. PR-1331-L66841
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan perancangan Kementerian bagi membantu industri francais untuk terus berkembang dan meningkatkan sumbangan lebih daripada RM25.6 bilion kepada Keluaran Dalam Negara Kasar (KDNK) seperti pada tahun 2014.
40. PR-1331-L66449
Tuan Lim Lip Eng [Segambut] minta **MENTERI SUMBER ASLI DAN ALAM SEKITAR** menyatakan status terkini dan jumlah kos projek pencarian fosil dinosaur di Pahang dan Terengganu. Adakah penemuan fosil dinosaur di dua negeri tersebut telah disahkan oleh pihak ketiga iaitu pakar-pakar yang neutral.
41. PR-1331-L65436
Tuan Hee Loy Sian [Petaling Jaya Selatan] minta **MENTERI PENGANGKUTAN** menyatakan adakah usaha bagi mengesan pesawat MH370 yang hilang akan diteruskan dan nyatakan usaha-usaha tersebut.

42. PR-1331-L65548
Dato' Sri Haji Abdul Azeez bin Abdul Rahim [Baling] minta **MENTERI KOMUNIKASI DAN MULTIMEDIA** menyatakan apakah syarat-syarat bagi sesebuah kampung mendapat kemudahan Kampung Tanpa Wayar (Wi-Fi) kerana masih banyak lagi kampung-kampung di kawasan luar bandar mengharapkan kemudahan ini.
43. PR-1331-L66900
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan program yang dibuat untuk mengatasi jurang polarisasi kaum di Malaysia selepas Pilihan Raya Umum Ke-13 dan berapakah jumlah peruntukan yang diberikan.
44. PR-1331-L66627
Tuan Ahmad Marzuk bin Shaary [Bachok] minta **PERDANA MENTERI** menyatakan implikasi politik dan nama baik Malaysia di peringkat antarabangsa berikutan keputusan Mahkamah Persekutuan terhadap Datuk Seri Anwar Ibrahim. Apakah usaha dan jaminan Kerajaan dalam memastikan institusi kehakiman negara adalah benar-benar bebas dan dilihat bebas oleh rakyat dan juga masyarakat antarabangsa.
45. PR-1331-L65960
Dr. Che Rosli bin Che Mat [Hulu Langat] minta **MENTERI TENAGA, TEKNOLOGI HIJAU DAN AIR** menyatakan usaha pembangunan Smart Grid dan Smart Meter serta kesannya terhadap tarif. Apakah langkah yang akan diambil bagi membendung kesan negatif terhadap tarif, jika ada.
46. PR-1331-L65719
Dato' Kamarudin bin Jaffar [Tumpat] minta **MENTERI PENGANGKUTAN** menyatakan apakah perkembangan terkini menentukan penjenayah sebenar yang menjatuhkan pesawat MH17 di Ukraine.
47. PR-1331-L67295
Tuan Haji Khalid bin Abdul Samad [Shah Alam] minta **MENTERI DALAM NEGERI** menyatakan apakah langkah-langkah Kerajaan membawa pulang Koperal Sirul Azhar Umar dari Australia untuk dikenakan hukuman sebagaimana ditetapkan oleh pihak mahkamah.
48. PR-1331-L66290
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan status terperinci dan mutakhir tentang semua projek perumahan rakyat di seluruh negara di bawah semua agensi Kerajaan dan badan berkanun termasuk PR1MA, Skim Perumahan Rakyat 1Malaysia.
49. PR-1331-L66110
Dr. Lee Boon Chye [Gopeng] minta **MENTERI KEMAJUAN LUAR BANDAR DAN WILAYAH** menyatakan peruntukan setiap tahun mulai 2009 untuk pembinaan dan pembaikan rumah kediaman Orang Asli di Semenanjung Malaysia.

50. PR-1331-L67202
Puan Kasthuriraani a/p Patto [Batu Kawan] minta **MENTERI DALAM NEGERI** menyatakan bilangan kematian mengikut pecahan negeri dan pecahan etnik yang di klasifikasi sebagai kematian yang disebabkan oleh keganasan rumah tangga (*domestic violence*) dari tahun 2008 sehingga kini.
51. PR-1331-L66810
Tuan Chong Chieng Jen [Bandar Kuching] minta **PERDANA MENTERI** menyatakan apa tindakan akan diambil terhadap Menteri Dalam Negeri yang telah mengeluarkan suatu surat rekomendasi/pujian untuk seorang "*kingpin*" perjudian antarabangsa, ianya Paul Phua, sedangkan pihak PDRM mempunyai rekod jenayah Paul Phua itu.
52. PR-1331-L66540
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan langkah-langkah yang akan diambil dan sama ada Kerajaan akan mengarahkan Ketua Audit Negara untuk menyiasat Malaysia Airports Holding Bhd. (MAHB) mengenai isu pembinaan KLIA2 yang bernilai RM4 bilion seperti yang disyorkan oleh Jawatankuasa Kira-kira Wang Negara.
53. PR-1331-L66717
Puan Teo Nie Ching [Kulai] minta **PERDANA MENTERI** menyatakan maklumat terperinci berkenaan Projek Pusat Petroleum Bersepadu dan Taman Maritime Tanjung Piai yang dilaporkan telah menarik modal pelaburan bernilai RM21 bilion dari Emiriyah Arab Bersatu (UAE) dan apakah hubungan 1MDB dan Aabar Investments dengan Syarikat 1MY Strategic Oil Terminal Sdn. Bhd. yang dilaporkan terlibat dalam projek tersebut.
54. PR-1331-L66148
Tuan Wong Tien Fatt @ Wong Nyuk Foh [Sandakan] minta **MENTERI PERUSAHAAN PERLADANGAN DAN KOMODITI** menyatakan berapakah harga pasaran dan jualan getah di Sabah, Sarawak dan Semenanjung Malaysia bagi tahun 2012, 2013 dan 2014. Dan nyatakan pengeluaran dan hasil getah di Sabah, Sarawak dan Semenanjung bagi tahun 2012, 2013 dan 2014.
55. PR-1331-L66316
Tuan Nga Kor Ming [Taiping] minta **PERDANA MENTERI** menyatakan siapakah penumpang atas pesawat peribadi Perdana Menteri 9M-NAA dari 25 Disember 2014 hingga ke 1 Januari 2015 serta berapa jumlah kos penerbangannya.
56. PR-1331-L67000
Tan Sri Dato Sri William Mawan Ikom [Saratok] minta **MENTERI DALAM NEGERI** menyatakan apakah Kerajaan bercadang untuk menubuhkan unit polis khas untuk memantau keselamatan sungai-sungai di Sarawak bagi menangani ancaman keselamatan majoriti rakyat yang menggunakan sungai sebagai laluan utama.

57. PR-1331-L65575
Tuan Fong Kui Lun [Bukit Bintang] minta **MENTERI KEWANGAN** menyatakan apakah sebab Kerajaan masih meneruskan BRIM walaupun terpaksa dibayar secara 3 ansuran dan apakah kebbaikannya kepada ekonomi negara.
58. PR-1331-L65870
Datuk Raime bin Unggi [Tenom] minta **MENTERI PERTAHANAN** menyatakan keperluan Angkatan Tentera Malaysia (ATM) untuk memperoleh kenderaan kusyen udara (ACV) atau hoverkraf sebagai aset yang mampu meningkatkan kecekapan logistik ketenteraan terutama dalam misi bantuan ketika banjir.
59. PR-1331-L67329
Datuk Rozman bin Isli [Labuan] minta **MENTERI PERDAGANGAN ANTARABANGSA DAN INDUSTRI** menyatakan adakah *ASEAN Economic Community (AEC)* satu langkah yang akan menghakis dasar-dasar untuk agenda memperkukuhkan ekonomi Bumiputera di Malaysia.
60. PR-1331-L66732
Tuan R. Sivarasa [Subang] minta **PERDANA MENTERI** menyatakan status siasatan dan semakan di peringkat Peguam Negara berkaitan laporan polis yang dibuat oleh Dato Mat Zain Ibrahim terhadap peguam Tan Sri Shafee Abdullah (Putrajaya Presinct 7 Rpt 10437/13 bertarikh 15 Disember 2013 yang menuduh bahawa Shafee telah melakukan kesalahan jenayah dengan membuat kenyataan palsu dalam afidavitnya di Mahkamah.
61. PR-1331-L65655
Puan Hajah Zuraida binti Kamaruddin [Ampang] minta **MENTERI KEWANGAN** menyatakan perkembangan Malaysia Airlines Bhd. di bawah kelolaan Pengarah Eksekutif baru, Christopher R. Mueller yang telah mengambil alih operasi syarikat tersebut semenjak Januari 2015.
62. PR-1331-L67033
Datuk Wee Jeck Seng [Tanjong Piai] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan senarai rancangan pembinaan rumah mampu milik yang akan dijalankan dalam masa terdekat ini.
63. PR-1331-L66042
Datuk Aaron Ago anak Dagang [Kanowit] minta **PERDANA MENTERI** menyatakan sama ada Kerajaan sedar bahawa jurang ekonomi di antara komuniti Bumiputera semakin luas dan apakah yang menyebabkan ianya sebegitu dan apakah langkah yang boleh dilakukan untuk mengatasinya.
64. PR-1331-L66524
Tuan Haji Ahmad Lai bin Bujang [Sibuti] minta **MENTERI SUMBER MANUSIA** menyatakan:-
- (a) jumlah pekerja sektor industri minyak dan gas telah diberhentikan sejak berlaku krisis penurunan harga minyak dunia; dan

- (b) adakah pihak Kementerian mengesan risiko pemberhentian pekerja dalam semua sektor industri di Malaysia akibat penurunan harga minyak sejak 6 bulan lepas.
65. PR-1331-L67052
Dr. Mansor bin Abd Rahman [Sik] minta **MENTERI PERDAGANGAN ANTARABANGSA DAN INDUSTRI** menyatakan melalui usaha menarik pelabur melalui *Asean Economic Community (AEC)* yang akan di tubuhkan di Kuala Lumpur, apakah inisiatif tambahan Kementerian dan agensi-agensi yang berkaitan untuk merealisasikan agenda pada negara khususnya untuk rakyat.
66. PR-1331-L66860
Tuan Teo Kok Seong [Rasah] minta **MENTERI PENGANGKUTAN** menyatakan:-
- (a) angaran kos pengambilalihan Sistem Penguatkuasa Elektronik (AES); dan
- (b) pampasan yang akan diberi kepada dua syarikat konsesi dan jumlah kutipan saman yang telah diterima sejak sistem AES dilaksanakan sehingga sekarang.
67. PR-1331-L66941
Tuan Mohd Rafizi bin Ramli [Pandan] minta **MENTERI KEWANGAN** menyatakan setiap hutang 1MDB dengan bank-bank tempatan sehingga Januari 2015 dan bagi setiap hutang tersebut, nyatakan keputusan audit tahunan terkini yang dibuat oleh Bank Negara Malaysia berkenaan setiap hutang tersebut.
68. PR-1331-L66142
Tuan Ignatius Dorell Leiking [Penampang] minta **MENTERI DALAM NEGERI** menyatakan berapa banyak sijil kelahiran lewat yang dikeluarkan oleh Jabatan Pendaftaran Negara berikutan kes pemalsuan borang permohonan (*reference is made to the case of former court clerk Jinny Daniul who was convicted in 2013 for bribery and forging a Kota Kinabalu magistrates signature related to late birth certificates*) dan berapa banyak sijil-sijil kelahiran lewat yang diperoleh melalui kes ini telah dibatalkan oleh Kerajaan.
69. PR-1331-L66975
Tuan Wong Ling Biu [Sarikei] minta **MENTERI KEMAJUAN LUAR BANDAR DAN WILAYAH** menyatakan apakah projek-projek telah dan akan dilaksanakan untuk meningkatkan tahap kehidupan penduduk luar bandar di kawasan parlimen Sarikei iaitu di Daerah Meradong dan Daerah Sarikei. Berapakah peruntukan kerajaan pusat telah dan akan disalurkan ke kawasan parlimen Sarikei dalam masa lima tahun yang lepas dan lima tahun yang akan datang.

70. PR-1331-L65714
Datuk Dr. Makin @ Marcus Mojigoh [Putatan] minta **PERDANA MENTERI** menyatakan:-
- (a) keberkesanan Program Transformasi Negara ke atas Kementerian-kementerian dan Jabatan-jabatan Kerajaan; dan
 - (b) ke atas agensi-agensi Kerajaan.
71. PR-1331-L65616
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan adakah pihak TLDM telah meneruskan perolehan Magnetron 5999-12-357-1247 sebanyak 6 unit lagi seperti yang ditunjukkan dalam Rekod Sejarah Permohonan/Pengeluaran Pembekalan dan Penerimaan/Semak Stok alat ganti tersebut dan berapakah jumlah kos yang perlu dibayar serta nyatakan nama pembekal peralatan tersebut.
72. PR-1331-L65518
Dato' Fauzi bin Abdul Rahman [Indera Mahkota] minta **PERDANA MENTERI** menyatakan sama ada Kerajaan akan melakukan rombakan semula bagi menjadikan Suruhanjaya Pencegahan Rasuah Malaysia (SPRM) sebuah institusi bebas menurut lunas-lunas Perlembagaan Persekutuan dan bukan sekadar menurut Akta Parlimen agar SPRM dapat menjadi agensi paling berkesan bagi menangani masalah rasuah.
73. PR-1331-L66603
Datuk Liang Teck Meng [Simpang Renggam] minta **MENTERI PERTAHANAN** menyatakan:-
- (a) bagaimanakah betuk program yang dirancang oleh Kerajaan dalam Program PLKN 2.0 selepas penangguhan program itu pada tahun ini yang disebabkan oleh pemotongan Bajet 2015; dan
 - (b) adakah Kerajaan akan memanggil semula mereka yang terpilih untuk PLKN 2015 ini untuk menjalani latihannya sejurus PLKN dimulakan semula.
74. PR-1331-L66189
Tuan Oscar Ling Chai Yew [Sibu] minta **MENTERI PENDIDIKAN** menyatakan mengapa begitu banyak guru dari Semenanjung dihantar ke Sarawak untuk mengajar. Kalau guru berasal dari rakyat Sarawak tidak mencukupi, mengapa tidak melatih lebih banyak guru berasal dari Sarawak. Berapakah jumlah guru yang ditempatkan di Sarawak pada tahun 2013 dan 2014, senaraikan mengikut kaum dan negeri asal mereka.
75. PR-1331-L67198
Tan Sri Datuk Seri Panglima Annuar bin Musa [Ketereh] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan perkembangan terkini sasaran pembinaan sejuta rumah mampu milik dalam tempoh 5 tahun, berapa unit yang telah berjaya disiapkan dan apakah halangan dalam pelaksanaan projek berkenaan.

76. PR-1331-L65405
Datuk Linda Tsen Thau Lin [Batu Sapi] minta **MENTERI TENAGA, TEKNOLOGI HIJAU DAN AIR** menyatakan usaha-usaha untuk mengurangkan tarif elektrik akibat daripada penurunan harga minyak mentah dan gas asli cecair.
77. PR-1331-L67473
Tuan V. Sivakumar [Batu Gajah] minta **MENTERI KEWANGAN** menyatakan kadar inflasi yang dijangka selepas melaksanakan Cukai Barang dan Perkhidmatan (GST). Melihatkan pola ekonomi negara yang semakin merudum, bolehkah negara kita mencapai tahap negara maju dan melaksanakan bajet berimbang (*balanced budget*) pada tahun 2020.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Datuk Seri Noh bin Haji Omar [Tanjong Karang] dan masalah dicadangkan :-**

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbilang-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Ketiga, Parlimen Yang Ketiga Belas.”

Menyambung semula Perbahasan atas masalah (24 Mac, 2015)

- | | | | |
|----|---------------|--|---|
| 2. | (D.R. 3/2015) | Rang Undang-undang Perbekalan Tambahan (2014) 2015 | Bacaan
Kali
Yang
Kedua |
| | | DAN | |

YAB Menteri Kewangan akan mencadangkan:-

“ Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa jumlah wang tambahan sebanyak satu bilion sembilan ratus dua puluh satu juta sembilan ratus sembilan puluh lima ribu lapan ratus lapan puluh ringgit (RM 1,921,995,880) diperuntukkan daripada Kumpulan Wang Pembangunan bagi tahun kewangan 2014 bagi Maksud dan Butiran (Projek) seperti yang dinyatakan dalam ruang pertama dan kedua penyata Anggaran Perbelanjaan Pembangunan Tambahan Pertama 2014 yang dibentangkan sebagai Kertas Perintah 2 Tahun 2015 dan yang disenaraikan di sebelah Maksud dan Butiran (Projek) dalam ruang sembilan dan sepuluh penyata tersebut.”

- | | | | |
|----|----------------|--|---|
| 3. | (D.R. 24/2014) | Rang Undang-undang Dadah Berbahaya (Pindaan) (No.2) 2014 | Bacaan
Kali
Yang
Kedua |
| | | [Menteri Kesihatan] | |
| 4. | (D.R. 29/2014) | Rang Undang-undang Pendidikan (Pindaan) 2014 | “ |
| | | [Menteri Pendidikan] | |

5. (D.R. 26/2014) Rang Undang-undang Perhubungan “
Perusahaan (Pindaan) 2014

[Menteri Sumber Manusia]

6. (D.R. 30/2014) Rang Undang-undang Teknologis dan “
Juruteknik 2014

[Menteri Sains, Teknologi dan Inovasi]

7. (D.R. 23/2014) Rang Undang-undang Ahli Parlimen “
(Saraan) (Pindaan) 2014

[Perdana Menteri]

8. Menteri Kewangan akan mencadangkan :-

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

9. PR-1331-U65762
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

[Perdana Menteri]

10. PR-1331-U65853

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

[Menteri Dalam Negeri]

11. PR-1331-U65760

Tuan M. Kulasegaran [Ipoh Barat] akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

12. PR-1331-U66345

Dr. Tan Seng Giaw [Kepong] akan mencadangkan:-

"Bahawa Dewan ini membahaskan banjir besar di negara."

[Perdana Menteri]

13. PR-1331-U66346

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan gerakan militan di Malaysia."

[Menteri Dalam Negeri]

14. PR-1331-U67135

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

15. PR-1331-U67141

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2015</u>	<u>RISALAT/DOKUMEN</u>	<u>TARIKH DIBENTANGKAN</u>
DR.1	Laporan Jawatankuasa Kira-Kira Wang Negara Parlimen Ketiga Belas – Projek Pembinaan Ibu Pejabat Polis Daerah (IPD) Sentul	25 Mac 2015
ST. 3	Laporan Tahunan Suruhanjaya Hak Asasi Manusia Malaysia (SUHAKAM) Tahun 2014	25 Mac 2015